

明代傳記叢刊・綜錄類①⑧
周駿富輯

國壽錄

四卷
(清)查繼佐撰

明文書局印行

編輯國壽錄例言

一、原本屬樸園先生手稿，草率縱橫，加以塗改，幾不可辨。息心尋繹，僅能依約得之。錄過校勘頗至，掛漏吾知免矣。而魯魚亥豕，當復多多，訂正之功，以俟君子。

一、原本分裝十帙，其敘國初勳貴及仙釋方技諸傳，約居其二。知先生初旨，固欲成一代全史，非僅表章鼎革諸公也。第錄名乃先生自定，此二帙與名未符，且使後人閱之，反生不全不備之憾，敢竟逸之。

一、先生隨筆直書，於四朝人物，前後雜亂無次，且中間間附數行，或標隻句，義無聯屬，當是意之所觸，偶爾記出者，正苦刪之可惜。錄之無名，於後得一帙，先生大書於首，曰「便記」，則諸雜紀在焉。因依類附入其中。諸傳并爲次序，庶幾先後秩然。雜紀諸篇，原本止標稱節死雜記，而他端成混載，爲今分輯爲三篇，更爲妥議，雜紀，見開雜記云。

一、南陽伯李元胤，從容就義，與何中湘差堪頡頏。傳初在「便記」中，今改列錄內。江南之失一篇，則又自錄改入記也。蓋楊維垣之死，平寇志謂其僞題空棺，張捷之死，國權稱爲選人逼盡，事存疑信。入記良宜。題字則鄙意所妄易也。若記中李成棟，儼然殉國矣，顧其始手殺唐帝，晚節詎足蓋愆，故置之。進其子而黜其父，非爲悖矣。

一、便記攀尋疑案，江陰疑案二篇，原本亦列錄中，標題固曰「襄城伯李國楨傳」，中書戚藩傳者也。今考諸書類稱國楨屈身闖逆，被夾折脛，辱極自縊，且其人庸鄙誤國，此等偉烈，無論實事難能，政恐夢想未到，舉而歸

之亦太不倫矣。至戚藩顯登新朝甲榜，節死之謬，尤不辨自明。如傳所云，令九原有知，不反顏惡耶？則曷爲不削之？曰：此二事者，當時要自別有其人，特湮沒不傳，遂以訛傳誤耳。今既知其非李與戚也，雖其人不可攷，而使人聞其事，想見其爲人，而爲之低徊感歎，亦足不朽矣。且傳其事，庶或終知其人乎？謹標之爲疑案。世有博識者，將質成焉。

一、仗義而不死，及死而不得其姓氏者，皆自錄移入便記中。唯女子不在此例。以錄中本屬寥寥，且以之感激鬚眉，尤宜恕觀故耳。

一、諸雜記所載，或錄中有本傳者，輒移附傳後。逸事可以補闕，兩說亦可傳疑。

一、原本有字體模糊及蠹殘墨漬皆空之，如年月地名科分原虛以待攷者，加○以別，或爲□者，則論其如深也。

一、先生書法多作破體，間有舛誤，當屬筆紆，謹於眉間標出某字疑當作某，未敢妄易，致蹈金根。

一、錄中有一人兩傳分見數帙中者，大都一屬初稿，一屬定本，輒彙爲一篇，錄定本於前，而以初稿降一格附焉。自雜紀移附者亦如之。間存鄙見，或援述他書，則降格雙行，示別也。原註則雙行而不降格，且另書原註字外加□，務求一目了然，毋容相混。

一、先生曾仕魯監國朝，故於魯臣本末，極爲詳明。弘光、隆武兩朝傳咸不及也。永曆紀止於丁酉，傳亦僅何、李二篇。大約作書時事止此耳。若燕京殉節諸公，傳至夥矣。然類皆寥寥數言，生平行事，不少槩見。文亦多似絕不經意者，意討論修飾，尙猶有待。蓋先生未成之書也，惜哉。

一、原本爲扶風氏家藏。扶風故好古，多著異書。是書以先生原筆，尤珍重也。好友弗示也。辛丑春，慨付錄出，存
敝廬者數月。雖鄙性硜硜，又稍負潔疾，可絕諸慮。而扶風之不吝借抄，厚意未可忘也。并筆之以志感。

以上例言，未審何人所作。其云扶風氏藏，疑爲插花山舊本。嘉慶壬戌，予七十初度，陳奉峨茂才手錄
此本見貽。其原本則又從周勤補孝廉借鈔也。辛未七月記。

100-100

國壽錄目錄

卷之一

孫承宗

賀逢聖

范景文

盧象昇

弟象觀
萬嗣

象晉

李邦華

孟兆祥

子章明

李夢辰

弟

申佳胤

吳甘來
陳純德
陳良謨
金鉉

鹿繼善

張羅彥

陸夢龍

周鳳翔

馬世奇

劉理順

胡守恆

馬如蛟

王章

金毓峒

許直

成德翼

成德

劉永錫

黃炯

劉從義

關永傑

陳士章

王象復

弟象春
子與薊
與憲從子等附

邵宗元

蕭漢

徐一源

閻爾梅

姚士昇

陸士鉉

郭○○

許琰

王國昌

鞏永固

劉文炳

周遇吉

金冠

子士麒

馬岱

廖應登

賀秉鉞

朱某

王之俊

方正化

熊夫人宋氏

宮人魏氏

賈氏

易爲昇妻汪氏

婢陳氏

尹熙華妻

吳信妻王氏

羅田女子王氏

城外女子張氏

潘鵬妻徐氏

辛楊氏

李氏姑媳

以上崇禎朝

卷之二

姜曰廣

萬元吉

唐周慤

吳景宣

朱漪

唐自彩

楊廷樞

沈陵

文璩武

張叔庵

韓萬象

張綖妻妾

以上弘光朝

卷之三

張國維

陳函輝

史可法

徐珩

王道焜

溫璜

俞文淵

周宗彝

潘集

顧杲

黃得功

姚赤文

徐石麒

金聲

陸培

兄圻弟培

趙景和

黃淳耀

江天清

周卜年

何光顯

顧生

沈天敘

王教主

劉宗周

何剛

施鳳儀

凌炯

蔡鳳潤生

夏允彝

吳汝奇

李待問

孫紹奎

馬鳴雷

沈乘

金鑑

丹陽婦來氏

祁彪佳

黃端伯

侯峒曾

顧咸建

俞元良

王毓著

吳應箕

高孟超

子昌若

薛去疾

塘橋女子

熊汝霖

荆本微

朱大典

錢肅樂

余煌

陳子龍

吳鍾巒

陳潛夫

沈履祥

何弘仁

沈綵

錢旃 妻弟樣

朱大定

查美繼

高岱 子期

沈宗琛

鍾鼎鉉 陳達情

葉汝蘇

徐爾穀 妻孫氏
毛和尚

周晉

陸韜

蔡孺法

朱奇生

夏寶謨

陸芳侯 阮日生
沈君牧

倪撫 傅中黃 第三張飛

楊守程

錢灝 兄來起

朱華堞

王之仁

張鵬翼 第三張飛

吳邦璿

呂宣忠

陳范良

徐龍達

吳聖兆

趙元謙

王雲衢

潘國緒

黃銑

倪舜屏

王文宇

以上魯監國朝

卷之四

黃道周

傅冠

曹學佺

朱繼祚

吳炳

劉中藻

黃大鵬

鄭爲虹

楊文瓚 妻張氏
兄克仲

艾南英

胡奇偉 周定初

王之栻

金麗澤 王士和

龔可楷

齊巽 妻某氏

王祁

指揮某

以上隆武朝

何騰蛟

李元胤

以上永曆朝

便記

一五〇

隆武

永曆

崇禎太子

趙王

南都之失

攀髯疑案

甲申傳信錄

江陰疑案

李成棟

石雲從

華夏一案

金陵乞者

金陵監生

蕭山三義

江陰四生

北山樵夫

馬僕許達

義孺關兒

節死雜記

武岡死事

奏議雜記

見聞雜記

附錄

一六一

逆關始末

107-010

國壽錄卷之一

大學士孫承宗傳

孫承宗字愷陽北直保定府高陽縣人甲辰科榜眼仕至東閣大學士三奉命守山海關時無失事尋致仕己卯清兵復入高陽城陷羣執承宗坐其堂上脅使從去承宗不應既曰只有一死耳毋多言其將不敢上劍承宗曰若退我有死法遂取清兵弓弦自縊死後二十餘日親朋始敢入則承宗尸顏色如生時同死其子孝廉某官生某某孫中書某官生某共一家從難十四人

又便記中一則移附于後

承宗廣寧失後出復河西數百里忤璫閒住己巳之變特簡無功罷去戊寅□逼高陽倡義捐貲率子弟家丁禦敵城小□益至遂破露刃勒降承宗端坐不動罵敵見害闔門同死三十一人初卹復原官予祭葬壬午贈太傅廕一子中書舍人

大學士賀逢聖傳

賀逢聖字克繇湖廣人罷相家居省下初左良玉鎮襄陽逢聖嘗與通壬午李賊至新野良玉欲發兵守樊城

時張獻忠部有畔歸良王者不聽使良王令必行乃復畔譚自鼓而下良王乃與俱至漢口兵乏食逢聖遣之以糧譚止及自成既陷襄陽良王但守安慶而獻忠乘間計陷廬州癸未渡河南陷武昌諸郡逢聖自經死

大學士范景文傳

范景文字夢章號質公北直吳橋人登癸丑進士積資俸以工部尚書入爲大學士甲申三月初旬賊報急上日召對諸廷臣相向無策其賢者退而涕泣其爲賄賂情面者如故也首輔陳演發南遷之議上色厲曰吾聞國君死社稷義也遂無從與此議者同官蔣德璟與演並疏請田里詔許之德璟夜疾出都演留不發十九日賊入城景文自念大臣必爲所求誓不失節急投井而死後演與魏藻德方岳貢邱瑜俱被刑辱拷掠無算責賊唯蔣以先出都幸免賊知景文已死乃概大書忠臣二字於殉節之門

兵部尚書盧象昇傳

附弟象觀象晉 孝廉葛麟

盧象昇字九台號建斗南直宜興人祖立志以乙榜河南太康令知名象昇以萬曆辛酉鄉薦明年成進士授戶部主事以本部郎出知大名府陞山東副使歷郎陽巡撫移撫湖廣陞兵部侍郎賜劍總督五省兵馬禦寇頗有斬獲丙子總督宣大憂去尋以建兵入寇加太子少保兵部尚書復賜劍總督各路援兵勦禦無功降侍郎十二月身督戰於河間之賈莊陣歿楊廷麟爲之請卹方部議而國變且止弘光中贈少保諡忠烈象昇爲人短小性和易弱不勝衣於朋友之義雖風雨必赴爲大名時始習騎射頗精便以底定爲己任賈莊之役身

先士卒。嘗於馬上殺賊。自有督師。稱敢氣推象鼻矣。弟象觀。字幼哲。崇禎壬午解元。癸未成進士。弘光中。奉詔徵寧。南都敗。從通城王盛激起義於湖州。八月二十七日。戰死北門。少弟象晉。諸生。念兩兄苦爲國死。乙酉後。不就試。率閉戶著書。至庚寅。尙髮完。偶爲仇者所持。許逮清撫土。土重傷其家。率忠主竭命。頗欲生之。故曰。知晉不敢抗清。當是難後復生。晉大書曰。此髮故自明出。士卒義之。出強難入見。爲已其事。時與象觀同難。爲壬午孝廉葛麟。麟字蒼公。南直丹陽人。負力。能徒步數千里。祁忠敏彪佳嘗聘爲監紀推官。從義湖州。不終。

都察院李邦華傳

李邦華。字懋明。江西吉水人。貧。客游浙。館穀撫湖墅徐氏。有少年吏以氣悍爲鄉黨所憎伏。惡邦華。去棲靈壽寺。廡破。衣僧見其狀。憐而進食。又爲之具行李。後邦華改今名。登甲辰進士。歷仕爲浙江巡按。於是按求破衣僧。僧畏。報曰。已死。欲得其墓所祭之。乃以實告。蓋別去九年。又非初名。不相悟。故所德。邦華於是下少年吏而必令破衣解之。報破衣也。慕文山之爲人。手捧讀其詩文不釋。嘗以畫像自隨。雖寒暑風雨。舟車千里行。不令一日不見。甲申三月十九日。聞順成。齊化二門。竟自開迎李賊。歎曰。此吾從文山先生之時矣。因具冠帶。向先生畫像行四拜禮。口占云。人生自古誰無死。留取丹心照汗青。因自縊死。家人乃以文山先生畫像并殮之。曰。公酷好。弗奪其素志。

刑部侍郎孟兆祥與子進士章明合傳

孟兆祥字允吉號肖形山西澤州人登壬戌進士歷官至刑部侍郎子章明癸未進士方候選兆祥性剴直與其子言無不以古人疑有說字曰勿謂史記所載忠孝等事後人便不可爲子受教唯唯甲申三月十九日辰刻賊自成竟陷都城諸大小文武官俱匿民居買丐者服一簪五六金僞天佑殿大學士牛金星出僞示先朝文武俱於二十一日蚤詣東華門自陳職名願效力者量材力任用否者聽違者族諸文武乃色喜或以倖得官或以可自便脫去先是指紳欲潛匿輒毀其冠時猝不可得或從梨園裝中乞之一冠簪三四金兆祥謂其子曰初以上在待之今上已死高皇帝吾與若輩復能從紛紛諸公賊前高唱打恭哉於是相與朝服北面拜起投纆並引絕

通政司李夢辰傳

附從弟

李夢辰字元居戊辰進士以通政司免家居陳州被寇急與道臣關永傑計城守以民心不固不能得時李賊結寨城五里之外百姓相呼百十人竟自開門謁官府不得止且曰即當縛以并牛酒永傑既自殺州守以下競逃去夢辰不肯曰吾受朝廷大恩今縱不能保此一塊土何忍苟活視見世義不辱必死約同州孝廉劉澤醇與共殉城澤醇諾方欲死而爲賊所獲賊威勒欲官之兩人拒不從賊亦義之設監者夜監弛競走利去夢辰引自縊澤醇亦投纆共一室各有奴伺傍不敢勸夢辰不得氣盡令其奴牽掖奴以主盡節既不能勸而又心傷主之一旦疑有脫字也嗚咽牽不力於是絕復甦者再三夢辰乃自激擲得絕澤醇縊稍遲見李未即死有諸狀一念不忍留連竟不能死解纆與其奴遁去山中月餘以病死夢辰從弟○○國學也亦任子時與衆偕遁

不見其兄殉節狀。後聞而感之。時心痛不安。飲食無味。忽忽不知東西。會僞睢州守至陳。距四五里。陳諸生競勇盛巾服。恭出謁道左。陪追入城。夢辰弟見之。淒傷罵曰。祖父衣食何家。忍遽爲此。吾兄死地下。寧無知。遂自沈河死。諸生聞之。率慙慙。有暗揮淚者。僞守去。乃至無一人樞衣送矣。

太僕申佳胤給事吳甘來御史陳純德陳良謨部郎金鉉合傳

太僕卿申佳胤。廣平永年人。戶科都給事吳甘來。江西新昌人。戊辰進士。兵部車駕司金鉉。南直武進人。亦戊辰進士。順天提學御史陳純德。湖廣零陵人。庚辰進士。御史陳良謨。寧波鄞人。甲申三月之變。十九日上暴崩。煤山二十一日。賊勒令東華門以次報名。及署先朝職銜。時文武官咸赴。自成上坐。僞承相牛金星。僞都督李宗敏。僞權將軍白廣恩。僞撫民制將軍梁甫。僞果毅將軍董天成。馬岱。僞軍師宋矮子。僞六政府宋企郊。張璘。然。鞏煊。侯恂。黎志陞。葉初春。僞文選司顧君恩。凡四十餘人。僭稱隨駕。左右兩列。諸原任文武等官。疑有脫字次唱名打恭。先得自通者。竟送吏政。凡受僞京職爲韓四維。楊枝起等三百餘人。受外省僞職爲魏天賞四百餘人。輒於寓門大書欽授某銜。擁從如故。其不得選者。輒變初令。不許自便。以風聞拷賊多至死。時項煜以賊政府黎志陞爲煜甲戌門人。冀因以得大官。語人曰。吾輩卽不得爲夷齊。獨不可爲管仲。魏徵乎。及選授光祿卿。甚怏怏。時敏後至吏政府。恐不得選。時門閉。伺門大呼曰。吾故兵科時敏也。因通關節得入。魏學濂爲自成所唾。曰。聞若父忠臣。今將爲孝子乎。與以下選。學濂大失所望。佳胤等五人。既不往聽點。又聞諸狀。傷心慘目。次第俱自盡。猝不得其詳。獨金鉉母太夫人。與鉉同難。

少卿鹿繼善傳

鹿繼善字乾耀北直保定府定興縣人癸丑科進士杜至太常寺少卿家居性醇厚尚理學北方儒者多出其門崇禎乙亥清兵入定興繼善慮失身預投蓮花池中死清人求之不得

又便記中一則移附于後

鹿繼善以太常少卿在籍丙子□攻定興繼善初奉父避難城外反入城倡率士民效死勿去城破罵不屈正色受刃贈大理卿蔭一子入監讀書仍許建祠崇祀

光祿寺少卿張羅彥傳

張羅彥字二酉保定府清苑縣人戊辰進士歷官光祿寺少卿內艱歸會甲申三月與邵二府共建議守城議不決李自成以大隊自居庸蹴京城而十七日別將任總兵者突陷保定羅彥忿不欲生大書其二酉齋壁曰明光祿張羅彥義不受辱與妻○氏妾羅氏某氏同死有憐我者取埋之遂相繼縊死子某子婦某氏亦被害獨遺孫繼縑三歲存兄羅俊癸未進士弟諸生某幼弟癸未武鄉榜某同在東城與賊戰皆陣歿

忠烈贈太僕卿陸夢龍傳

陸夢龍別號景鄴字君啓會稽人也相傳爲放翁苗裔有世德母馮夢壽燈花爲龍因以命名生絕慧三四歲卽解屬對九歲妄欲仙游講黃老鑒度諸書故不成於踰甚里中兒呼小設施年十三爲衡文蘇紫溪所知紫